



Taneafa stuva

Tana rupa ke *Stuvatum ke Crakeik tota*

(c) Damien Etcheverry

Xantof krent kan Kotava. Ewaveem daskiyin
gan yonec TG- talpey.

Xanto : Stuvatum ke *Crakeik* tota ;
Taneafa stuva (13-e otuk, 2026).

Krentara is ponara is piskura skuyuna
gan Damien Etcheverry (2026).



1-e ~ Datafa

Atlantika welfa

Lerdeaksat ke 1710.

*Jinafa Crakeik tota va Nantes
ba 14-e ke pereaksat ke 1710 al
mallapir. Ta artlapira va Antilla
tursia, Mulberry va vawa volsafa
gu ilkava al abdualbar. Nope lentufa
suka is rustxa, ton kalieme abdu-
lapiv. Va konak ilef ital ixam al
kozwin voxe trumon al tarutev. Oye
refa gejura ke Engla kev Franca is
Espana, fiesa englafa gejatota koe
bata pakava ke Atlantika welfa
viakud. Va soktara ko portugalafa
Açores tursia ta kobligara gu iewafa
lavada al abdiwiv. Bana lavada
kotentayana ba mallapira ixam en
tir abileyesa. Kaikon, stuva en
tozuweter.*





2-e ~ Toloya
portugalafa gejatota
Grocelon ice Açores tursia.

*Ba 2-e ke lardeaksat, gazdabra
sollipawer numazen va toloy ital
ronton kabduon is vanon artlapis
ton kaliepe kosmav. Fure kota
yatera di tir volrotisa, sukara tir
volsafa gu cin. Bana toloya tota va
nilt ticapted : to gijarotifa portu-
galafa gejatota dem 64 buli tid.
Portugalik tid vangluyan gu
englik. To wupe !*



3-e ~ Yatera volrotisa Va tokcoba rotaskiv ?



Portugalik va wincatum su kamadad. Ede va cin di bulid, pune enwe di tazdav nume kalion zo vilatav oke zo belxasitiv. Mulberry is jin wilupon gotegiv, meklabuson fu zo kodisukev, va bata tota fu ticumad. Kas va sin lajuportatav ise va intafa tira isu mukot laju preyutatav ? To belikafa kaliu kuca !



4-e ~ Dratcenon gan buli
Portugalafa kodisukera
zo bokar

Mulberry va tantazukot ke englaf fayik kerujon su kodiskir ise va englaf niltam volmiv al tic apter. Fu redakur. Jotaf portugala fayik do mon sanoy sayakik me cinafa tota rundanyar. « Ti Castro rikulik, ke portugalafa totervolia Toktan tic ? Tokliz lapic ? Va wir fu kodisukev. » Mulberry va meko dwira lasunedir. Tod tanoya roklo numen kotcoba co zo tazdatar.





5-e ~ Koe yultxo

Me vaj ?

Castro ríkulík van yultxo vere lanír. Ezilpura banugale tir arientapa. Cinafo yultxo vas mek memwaf vaj íku xa donarir, vas abiccoba enwe ruldar. Batcoba sedme in nutir tubizafa. Kota kazatota dímlapisa mal Amerika gitir vajayana kale azeba. Volto cínafa tota. Tokdume ?





6-e ~ Fatmara

Marjorie Oluikya,
mana kimtafa englikya !

*Castro va wira va totaf valdig-
eem dīner. Va jin koe fayikxo
kosmar. Va unaykaf gem sorion al
kotiskí. Jin dere goyordá, va yorda
ke englaſa oluikya staksena ko
Amerika. Mana liona ! Voxe fiſte
va in gonortá. Jinafi baſi is cinaſ
mukot batvulon me zo gonazavzađ.
« Toktan tiſ ? Englikya va katalik-
evaſa gamđa sometiskir. »*





7-e ~ Tok winaf mukot
tir ? ~ Va Bermuda
ewaleem mukotav.

« Tī Marjorie Bourke, efe kata-
likevafe vox ke englafa oluafa yasa
ke Eirea. Va ziavikye tu bowesik
va Bermuda ewaleem kevlapi
abdida ko Maryland boniaxo ant
emudeso va katalikevik azon zo
artlapiti. Kas va alka pu jin
culimel ? Kas icle grulatinavul ?
Tok rinaf yolt, medolaf rikulik ?
Portugala is Engla tid van-
gluyanik, cwe. »





8-e ~ Rotuxadara

Portugalik vol folir.

Bat portugalaf rikulik tır endayaf nekev jotuca is voleyuca.

« Essa mulher está mentindo, e esse capitão também. Por quê? ~ Battanya rotuxadar, isen bane redakikye dere. Tokdume ?»

Wupe men zo ogoler. In pu dirgasik fu munester. Mecoba va cın al relmer, batvieli. Unt blıké, vudé.



9-e ~ Sunolara
koe Terceira

Kas Crakeik tota fu zo narir ?

*Bana toloya portugalafa gejatota
al steged da va sina kal molt ke
Terceira di radimelapid lize cinafi
bali gan miv bowesik va Açores
tursia fu zo cotcer. Va bepra ke
Angra kosmav, dem molt is
widava dem batakafa mona is
yona uja. Tegira tir noafa. Kottode
va saktara ta kobligara va lavada
is iewaf tor al abidwiyiv.*



10-e ~ Va toka gorara ?

Bazaxo ke bowesik
va Terceira.

*Castro va munesteks pu bowesik
atoer. Lan wideytik koe bazaxo
dere tigr, i William Walker tu
tixolaf kaatoesik va englaf dulap
eem. « Ovel, ban korik pu jin a
rotuxadad. Voxen jinafe bowere va
jontika tcabanesa tota ta levvilare
va espanafo gindaxo birgon gi
vuidar. Bana Crakeik tota ape tin
tan cinaf mewinugaf nik. Bourke
tire tir eireaf yoltany. Katalikevik
al kalil ? »*



11-e ~ Ufux !

Crakeik ronodimlapir

Stuva fu tozuwer.

*Iskenon al ronodimlapiv, a kon-
ara kodisukera oku tualudevasa
kogrupara. Ba 5-e ke lerdeaksat,
moi tena ke kobligara, va Terceira
leve akraf kelt buluv. Ton kiazasa
xufurapa repalev. Diretomon, ape
titiv leon fikuntaf. Stuva va justera
tineyer abdida enwe al tozuwe-
ckeyer. Va jinaf redakikaf tan-
tazukot fugin tiskí.*

